



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmmvla Caietani

Cajetan, Thomas

Antverpiae, 1575

Conscientia licet erronea, obligat.

urn:nbn:de:hbz:466:1-41716

Conscientia licet erronea, obligat.

Conscientia etiam erronea obligat, intantū quod si conscientia alicuius haberet, quod spuere in Ecclesia esset peccatum mortale, & tamē contra perseuerantem talem conscientiam spueret in Ecclesia, peccaret mortaliter, quia quantum in se est, consentiret in peccatum mortale formaliter. Et similiter si conscientia distat, quod est veniale, & tamen facit, peccat venialiter: quia quantum est ex parte sui, contentit in peccatum veniale formaliter. Deponat autem huiusmodi erroneam conscientiam, ex se vel aliorum consilio: & sic libere operetur ut alii operantur.

Contemptus in moralibus dupliciter considerandus.

Contemptus dupliciter in moralibus sumitur. Primo ut est peccatum, qua scilicet aliquis spernit proximum. Et ut est causa peccati, prout dicitur unus peccare ex contemptu, aliis ex infirmitate, aliis ex ignorantia. Et primo quidem modo si propriè & formaliter intelligatur, est peccatum mortale ex suo genere: quia est actus iniuriosus proximo, laedens, quantum in se est, notabiliter proximum. Contemnere enim proximum, importat affectum deprimentem proximum à sua aestimabilitate: opponitur siquidem contemptus proximi, aestimationi illius. Et quantum bonum est homini estimari, tantum malum ei infert, contemni. Constat autem hominem à multorum consequitione bonorum impediri ex hoc quod despiciuntur, & multum se sentire offensum quicunque sentit se despici: restantur hoc iræ, rixæ, pugnæ, scismata, bella, & innumera mala quæ homo committit ex hoc, quod despici non suffert. Quia igitur notabilis proximo irrogatur iniuria, ex hoc quod despicitur, patet quod contemptus proximi est peccatum mortale,

for;